

**DISSERTATIO  
ACADEMICA, DE DOLO  
IN HOSTEM LICITO,  
QUAM ASPIRANTE  
DIVINI NUMINIS...**

---

Johann Georg Scherz, Johann Philipp  
Kneyl, Valenti Gonzaga



V I R O

*Præ-Nobilissimo, Maximeque  
Strenuo*

DN. JOHANNI  
KNEYL,

*Illustrissimi*

COMITIS de AHLEFELDT,  
Loricatorum è Daniâ Equitum Chiliarchi Legato,

*Nec non*

*Serenissimi Principis ac Domini*  
DN. CAROLI RUDOLPHI,  
Ducis Würtembergici,

REGIÆ DANICÆ MAIESTATIS.  
Summi rei militaris Præfecti Adjutori,

*DN. Patruo ac Patrono suo Ho-  
noratissimo ac Beneficentissimo*


Hæc Studiorum primitias  
in gratissimæ mentis signum

*Studiorumq; suorum ulteriorem commendationem*

Sacras vovere voluit debuit

JOHANNES PHILIPPUS KNEYL,

V I R  
PRÆNOBILISSIME  
MAXIMEQVE STRE-  
NUE. DN. PATRUE AC  
PATRONE HONORATISSIME  
BENEFICENTISSIME

 *On longe dispicien-  
dum mihi fuit cui  
Academicas hasce  
primitias tenues quidem &  
exiguas inscriberem & sacras  
):( face-*

*facerem. Re enim hac paululum accurate expensa ita me*  
**TIBI, VIR MAXIME**  
**STRENUE,** *obstrictum*  
*deprehendebam, ut si ab hoc*  
*officio me abstinuissem gravissime in* **TE TUAMque** *Benignitatem fuisset peccaturus.*  
*Præter enim vinculum consanguinitatis, quo* **TIBI**  
*me junctum esse gaudeo, tot tantaque benevolentiae & Amoris signa, tantaque in me collata apparent Beneficia, ut illa nec hoc nec alio loco exprimere unquam valeam. Duo-*  
*decennium est & quod excur-*  
*rit*

*rit amplius, PATRONE  
HONORATISSIME, ex  
quo ad TE confugi Parente  
meo dilecto orbatus: TUAM  
ambij opem & impetravi: jussu  
TUO plusquam paterno fun-  
damentis latinitatis in Patria  
imbutus, Montisbelgardum  
sumptibus TUIS sum missus.  
Absoluto dein in Gymnasio  
Montisbelgardenfi cursu clas-  
sico Consilio TUO ad Argen-  
tinensium Universitatem ve-  
ni: in qua Viros quosdam è  
Numero Dominorum Profes-  
sorum Excellentissimos repe-  
ri, quorum olim Amicitia &  
):( 2 Fa*

*Familiaritate fruebaris. Horum, quæ via in studiis regia sit, cura & informatione didici & DEO volente adhuc discam. Sed quod plurimum est, Patronum mihi Argentinæ elegisti, qui indefessam mei, Educationis meæ, Studiorumque meorum curam hactenus gessit & adhuc gerit: Virum nimirum Ampliss. & Consultissimum DN. Georgium Albertum Steinheil, JCtum, Serenissimis Principibus Palatinis de Birckenfeldt, & Nobilitati inferioris Alsatiæ à Consiliis, cujus mensa & tecto*

*fecto benignissime utor, Hic  
tantis ad hoc usque tempus  
me maclavit & adhuc dum  
maclat beneficiis ut post TE,  
PATRUE BENEFICEN-  
TISSIME, alterum hunc no-  
minare possim, qui favoris in  
me plus quam paterni edit spe-  
cimina. Beneficia autem qui-  
bus PATRONE HONO-  
RATISSIME à TE per  
tot annos sum ornatus redho-  
stienda quidem essent insigni  
aliquo pietatis saltem memo-  
ris pignore. Cum autem im-  
præsentiarum nihil quo Ani-  
mum gratum ostendam, ha-  
): ( 3 beam,*

*beam, hasce studiorum primi-  
tias de DOLO IN HO-  
STEM LICITO TIBI  
VIRO non minus toga quam  
Sago PRÆSTANTI offe-  
ro, quas nullus dubito, dum  
Benevolentissimi affectus ar-  
gumenta non pauca mihi ha-  
ctenus suppeditasti, quin se-  
rena itidem fronte sis admis-  
surus, & ut fulgenti TUI No-  
minis inscriptione exornatio-  
res incedant, benigne passu-  
rus. Hasce autem primitias  
sufficientes compensandis tot  
tantisque beneficiis æstimari  
posse non dico. Sed mihi suf-  
fece-*




fecerit, PATRUE HONO-  
RATISSIME, *gratissimum*  
*saltem Animum hac occasio-*  
*ne tibi declarasse. Annue*  
*itaque, VIR MAXIME*  
*STRENUE, conatui meo,*  
*fave studiis meis, quæ una*  
*cum salute mea TIBI com-*  
*mendo. DEUS interim T.*  
*O. M. divina sua Providen-*  
*tia Res TUAS gubernet,*  
*cælesti prudentia prudentissi-*  
*mis TUIS Consiliis benedi-*  
*cat, ac diuturna tranquillita-*  
*te, vitâ longæva, valetudine*  
*vegeta omnique prosperitate*  
*frui TE jubeat, Mœcenatem-*  
*que*

*que mihi conservet ; qui im-  
mortali memoria venerabor  
beneficia TUA & per omne  
vitæ meæ tempus approbare  
TIBI obsequia mea studebo*

**PRÆNOBILISSIMI  
MAXIMEQVE STRENI  
NOMINIS TVI**

*Cultor Cliensque  
humillimus*

**JOH. PHILIPPUS KNEYL.**



AD  
LECTOREM PRÆSIDIS  
PRÆFATIO.



Ecce omnino atque  
elegantè *Mevius* ostensu-  
rus Necessitatem Utilita-  
temque Juris Naturæ &  
Gentium ratione eorum  
qui Jctorum nomen affectant, ita in *Præ-  
fat. in Nucleum Juris N. & G.* pronunciat:  
*Quam necessarium Jcto sit Juris Natura  
& Gentium studium, tum potissimum pa-  
tet, cum res nobis est cum iis, qui ejusdem  
Civitatis, & Imperii Civilis non sunt: Qui,  
licet nobiscum concordent in Juris necessitu-  
dine consistere controversiarum finem, attamen*

A

men

*men illud quod Romanorum Caesarum vel Pontificum Legibus continetur ad istum non perinde admittunt, sed ultra quarunt & adhiberi volunt. Et licet vel ipsas in forum receperint, ut normam justī et aequi, tamen Cives ibi saltem juxta illas judicari volunt; non sua cum exteris ita terminari; Aliter quā hos juxta censenda & statuenda esse putant.* Cum quibus omnino comparari meretur elegantissima magni & in privato & in publico Gentium Naturæque Jure Doctoris, *Cass. Ziegleri Praef. in Notas ad Grotii J. B. & P.* ubi ita finit: *Ille denuò veram non simulatam philosophiam affectare mihi videtur, qui Civile Jus ad altiora & superiora principia revocat & in illis verum justī & aequi fundamentum inquirat: Animum ad hæc advertens, qui & ipse viam ad Juris Civilis scientiam affectat, Pereximius atque Doctissimus DN. JOH. PHILIPPUS KNEYL, Mediovillæ-Alsatius inprimis ex philosophis illos sibi colendos sumsit, qui officiis secundum Juris*

ris

ris Naturæ & Gentium Præcepta tradendis occupati sunt. Cujus studii specimen ut publico daret, in Palæstrâ Academicâ committi voluit, sumto in materiam Litis capite, de *Dolo in Hostem licito*. Qui conatus uti non potest non laudari, ita si modo cordati favebunt, felicem promittit eventum. Bene vertat !

# THESIS I.



Um monente *Cornelio Tacito Annal. 2. 88. 1.* duo sint modi hostes nostros ulciscendi, quorum alter *fraude & occultis* constat, alter *palam & ab armatis* adhibetur ; hic majorem justitiæ splendorem præ se ferat, ille cum injuriâ conjunctus videri possit, decretum nobis est, per modum Dissertationis Academicæ carptim exponere, quid *Dolo in Hostem* liceat.

# TH. II.

*Dolum* cum nominamus videri possit ex ipso statim nominis sono patere de re

illicitâ agi, adeoque de ejus in hostem usu frustra quæri; cum ne ad bonum quidem finem mala remedia adhibere fas sit: videmus enim formulam *dolose agere Cicero- ni* optimisque Auctoribus idem esse, ac *agere malitiose*. Verum notandum *Doli* vocem esse ex eorum vocabulorum genere, quæ μέσα Græcis, *Gellio Noct. Attic. lib. 12. c. 9. Ancipitia, media, communia* ut significare & capere possint duas inter se res contrarias, appellantur; qualia sunt, uti ipse refert, *tempestas, valetudo, facinus, dolus, gratia, industria*; cui, quod ipse cum aliis omittit, addi potest huc etiam perti- nens *fraudis* vocabulum, quod & ipsum μέσων esse tradit *Casp. Barthius in Adver- sar. lib. 12. cap. 12.* Monuit quod modo de doli voce diximus, probe etiam *Ulpia- nus in l. 1. §. 3. π. de Dolo malo*; dicens: *quod veteres dolum etiam bonum dixerint, & pro solertiâ hoc nomen acceperint*; ubi subjungit exemplum talis doli boni, ad- dens: *maxime si adversus hostem latro-*  
*nem-*

*nemve machinetur.* referri hic quadante-  
nus potest illud Græcorum dictærium  
*ἀγαθὸς ἀπάτης ἐδὲ Θεὸς δῖος ἀτὰρ.* Ex qui-  
bus manifestum est, quod ex vi vocis do-  
lus alius licitus esse possit & bonus, alius  
illicitus & malus; adeoque recte dubite-  
tur an hic vel ille Actus doli vel boni vel  
mali nomen mereatur.

TH. III.

*Hostis* appellatione non venit is, quem  
*XII. Tabula* hostem appellant, cum e. g.  
dicunt: *Adversus hostem aterna Auctori-  
tas esto,* it. : *Aut status dies cum Hoste;* de  
quâ acceptione videri debet *Cicero de Of-  
fic. lib. 1. c. 12. Varro lib. 4. de Lingu. Lat.*  
nam adversus peregrinum qua talem pro-  
pter commune socialitatis humanæ vin-  
culum fraudes dolive locum non habent.  
Sed ille *Hostis* nobis appellatur, qui ruptis  
socialitatis vinculis in statum bellicum  
nobiscum incidit, quâ definitione is, qui  
antiquis *Perduellis* dictus est, continetur,  
*Cic. l. c.* adde *Caium JC. in l. 234. π. de V. S.*

T H. IV.

Cum *Licetum* dicimus, id non eo sensu acceptum volumus, quo denotat id, quod jure impunitatis, uti quidam loquuntur, nititur, seu quod impune fit, quo sensu accipi posse videtur *Pomponii* assertum, qui, teste *Ulpiano* in l. 16. §. 4. π. de Minor. XXV. annus ait: *In pretio Emptionis & Venditionis naturaliter licere contrahentibus se circumvenire*; sed eâ notione intellectum id volumus, quâ licetum appellatur id, quod pietati & officiis naturæ non repugnat, sed congruit. conf. *H. Grotius* de J. B. P. 3. 4. 2. seqq. ut adeo appareat cardinem quæstionis in eo versari: An Pars bellantium, quæ credit magis suis rebus consultum iri, si ingenii solertiâ, simulatione & dissimulatione variique generis Machinationibus utatur, ad illa non repugnante justitiâ confugere possit.

T H. V.

Qui cum *Carneade* justitiam utilitate metiuntur (quod tamen an ex animi senten-



tentia statuerit *Carneades*, dubitasse videtur *Lactantius de Justitiâ V. 16.* uti observat Excell. *Dn. Hochstetter in Pentadecad. Thef. Practicarum A. 1699.* Tubingæ ad disputandum proposita §. vii.) quiq; illam Rationis status *Nephelem* pro *Junone* amplexantur, cum hoc ipso *Justitiam* è rebus humanis tollant, non possunt quin in sententiam eorum, qui nobiscum tradunt aliquando dolos adhiberi posse non repugnante *justitiâ*, utroque pede eant : Qui enim *justitiam* plane tollit, is ut nulli facto etiam doloso repugnare *justitiam* fateatur necesse est; Illi etiam, qui ad modum *Philosophia Lipsiana*, (prout illa inprimis in *Lib. iv. c. xiv. Polit.* sese prodit, de quâ re vid. *Bæclerus noster in Diss. Politici Lipsiani, præmissâ cap. v.*) *Justitiam* quidem & integritatem ambabus buccis laudant, deceptiunculas tamen ob bonum commune admittunt etiam extra bellum, si sibi ipsis constare volunt, nostræ sententiæ alium calculum addere tenentur.

TH. VI.

T H. VI.

Sed non est, ut ab his causæ nostræ Patrocinium petamus, cum vel in causâ bona Patronum malum sibi allegasse fraudis suspicionem excitet. Melius agetur, si rejecto Auctorum imprimis malorum consortio videamus primò quid in genere in hostem liceat; postea autem Doli naturam perlustremus. Cum itaque quæritur, quid in hostem generatim liceat, id ex belli fine patere manifestum est. Finis autem belli nihil aliud esse debet, quam periculi intentati defensio, damni ab altero nobis injuste illati reparatio, & de securitate in futurum prospectio: conf. *Pufend. de J. N. G. l. 8. c. 6. §. 7.* Poenam non addimus, quia illam pro fine belli proprie dicti, uti *Grot.* facit, non habemus; quâ in re nobiscum consentit *Bæclerus*, *Zieglerus* alique vid. *Kulpis Coll. Grot. Ex. IX. p. 120.* & *Budd. Elem. Phil. Pr. Part. III. c. V. §. 5.* Cum itaque verum sit illud *Grotii de J. B. P. 3. 2. 1.* *qua ad finem juris consequendi sunt necessaria*

ria

ria ad ea jus habere intelligimur; § 2. 14. 11. In Moralibus qui dat finem, dat etiam ea quæ ad illum finem perducunt, sequitur licere nobis in bello omnia ea, quæ ad belli finem impetrandum facere possunt. Quo ipso tamen non contradicimus iis quæ Grotius de Jure in infinitum grassandi in hostem habet; nam, uti sese in lib. 3. c. 4. §. 2. & ejusdem libri cap. 10. §. 1. de J. B. P. explicat, ipse vult impune saltem hæc talia fieri, Gentiumque more; non vero salva pietate & officiorum regulis; quæ sententia omnino recte se habet, nam, ut egregie Maxime Rev. Collega ac Fautor noster, DN. D. Zentgravius in Summa Juris Divini Sect. IV §. 4. ait: *quamvis status belli sit status dissolutæ societatis humanæ dissolutio tamen hæc non intelligi debet, quoad vinculum, quo mortales in Universalem aliquam sub DEO & ejusdem Legibus socialibus societatem coiverunt, sed quoad Exerctium tantum istarum Legum, in quantum nimirum hoc cum belli statu & ejusdem*

B

fine

*sine proximo, qui est victoria, & actionibus ejusdem legitimis & necessariis componi nescit, quod omnium jurium humanorum dissolutionem minime infert. adde Pufendorff. de J. N. G. l. 8. c. 6. §. 7.*

TH. VII.

Cum itaque constet ea in hostem licere omnia, sine quibus belli finis impetrari & haberi non potest, videndum nunc annon intrinseca quadam malitia à prohibitione Legis Naturæ proveniente ita laborent doli, ut etiamsi ad belli finem facerent, juste tamen usurpari non possint. Cum autem dolus, uti *Grotius de J. B. P. 3. l. 6.* distinguit, alius consistat in actu negativo, alius in actu positivo, & hic vel in rebus, qui simulatio dicitur, vel in verbis sit & mendacium appelletur, patet eum semper cum celatione mentis voluntatisque eius, qui dolo utitur, coniunctum esse. Videndum itaque erit, quatenus per Leges Naturæ quis teneatur voluntatem suam vel sermone vel aliis signis declarare.

Ite.

Iterum id ex fine sermonis, signorumque illorum deduci posse facillime videtur; Cum autem finis eorum præcipuus sit, ut vita hominum socialis conservetur & promoveatur, pronum est has exinde fluere regulas: Prima est: *quoties aliorum hominum commoda promoveri & damna avertere tenemur, toties tenemur etiam animi nostri sensa signis liquidis sermoneq; recepto significare*: Altera est: *quoties aliorum non interest nos loqui vel animi nostri sensa pandere, nostra autem interest tacere aut signis diversum quid à cogitationibus nostris indicantibus uti, toties tacere vel alienis signis uti licet*: Ultima denique est: *Multo magis idem licet, si aut silentium, aut veritatis dissimulatio in aliorum utilitatem cedant*; proponit eas hac ratione *Buddens in Elem. Phil. Pr. Part. 2. c. 11. §. 3. & 4.* cum quo confer quæ habet *Magnif. Dn. Schilterus in Manud. Phil. Moral. ad Jurispr. c. 8. §. 14.* Patet autem hinc simulationem dissimulationemque, item mendacia & omnes

qui modos, animi nostri sensa celant tum  
demum à Jure Naturæ pro illicitis haberi,  
cum tenemur commoda eorum, cum qui-  
bus nobis res est, promovere ac damna a-  
vertere; nunc autem si quærat, an tenea-  
mur hostium vel commoda promovere,  
vel damna avertere, qui est adeo bliteus,  
ut id affirmare auit? vid. omnino *Grotius*  
*de J. B. P. lib. 3. c. 1. passim.*

TH. VIII.

Quamvis autem, uti ex modo dictis ap-  
paret, satis salva sit doli in hostem justitia,  
non desunt tamen, quæ in contrarium al-  
legantur. Alii enim ex dissentientibus eo  
argumento utuntur, quod dolos adhibere  
sit furum & latrunculorum imitamentum;  
ita Alexander M. apud *Curtium* 4. 13. 8.  
*Latrunculorum ac furum ista solertia est,*  
*quippe illorum votum unicum est fallere.*  
Alii id afferunt, quod dolus virtuti opponi  
soleat, in primis vero cum ἐν ψυχῇ pugnet;  
ita Rhesus de Ulyssis artibus audiens ad  
Hectorem apud *Euripidem in Rheso* v. 510.

ἐδὲ

ἐδείς ἀνὴρ εὐψυχὸς ἀξιοῖ λάτρε  
κτεῖναι τὸν ἐχθρόν.

Alios id movet, quod iis qui dolis abstinent communi fere consensu sanctitatis & sapientiae laus tribuatur; Alii deniq; dolum belli definitioni repugnare credunt, cum bellum, si *Ciceronem* audias, sit *certatio per vim*; si *Grotium*, sit *status per vim certantium*, quâ tales sunt; sed quam plumbei sint hi, quibus nostram sententiam jugulare tentant, pugiones, statim apparebit; Nam primum quod attinet, quod doli in hostem usus sit furum & latrunculorum imitamentum, id flosculi in Rhetorum hortulis nati nomen magis meretur, quam veri argumenti. Si enim recte ad rationis stateram rem examines, videbis falsissimum id esse. Quis enim non cernit & hic locum habere tritum illud: *Duo cum faciunt idem saepe non est idem*; Hostis jure suo in eum, qui se indignum reddidit beneficiis socialibus, utitur; fur, latrunculus nullo jure, pravâ saltem habendi aliorum

res libidine actus per injuriam, quicquid facit, perpetrat; Unde liquet quamvis hostis infidiator, & fur infidiator in materiali, uti loquuntur convenient, differant tamen quoad formale; adeoque quam parum dici potest, Mariti cum legitimâ Uxore cohabitationem esse imitamentum veneris illicitæ, qua scortatores adulteri; aliorum vel filias vel uxores polluunt, tam parum asseri potest dolos in hostem usurpatos esse furum & latrunculorum imitamentum.

#### TH. IX.

Qui ex eo, quod dolus virtuti opponi soleat, argumentum petunt, sciant, vel iis, qui ita opponunt, sermonem esse de dolo ex circumstantiis malo, qualis est, si ex. gr. quis amicum, socium foederatum contra pacta fallat; quique opponitur virtuti, prout denotat honestatem; & tum concedimus dolum talem & virtuti opponi debere, & esse illicitum; vel eos loqui de dolo, qui à virtute quæ synonymon est fortitu-



itudinis, quæque sese per robur viresque corporis exferit potissimum, diversus est: Si prius sit, negamus sub illa doli notione, nostrum de quo nos loquimur contineri; sin posterius fatemur lubentissimi etiam illum, de quo nos loquimur, dolum comprehendendi sub dolo qui opponitur virtuti; inde tamen inferri non poterit dolum nostrum esse illicitum; Potest enim aliquid opponi virtuti prout hic sumitur, ut tamen honestati virtutique in genere acceptæ non repugnet.

#### TH. X

Sanctorum & sapientum nomina, quæ iis qui dolis in hostem abstinuere, sæpius tributa sunt, non moramur. Aut enim abstinuere dolis aperte malis, e.g. in pactis fœderibusque; aut ab aliis continuere. Si illis sese abstinuere ex veræ virtutis studio, iis eum nominis splendorem non invidemus: si his, arbitramur eos, si dolos rejecere tum, cum viderent per eos sine sanguinis humani effusione æque vel melius se belli finem

finem obtinere posse, non tantum sanctitatis & sapientiæ nomine non commendandos, sed etiam reprehendendos esse; quia inane vel fortitudinis vel sapientiæ, vel sanctitatis nomen cum sanguine miserorum sibi comparare majus duxerunt, quam mitibus & siccis machinationum consiliis tam pretioso sanguini parcere.

T. H. XI.

Graviori ariete nostram sententiam percutere videntur illi, qui causati dolos repugnare belli definitioni, dicunt bellum esse statum per vim certantium; indeque inferunt, si per vim, Ergo non per dolum. Sed & hic res in vado est: Notandum enim quod opponantur sibi invicem res, quæ revera ad oppositorum numerum non debent referri. Vis & dolus differunt quidem, sed non per modum oppositorum. Unde est, ut vis possit esse, quæ conjuncta sit cum dolo, & vicissim dolus, qui comitem habeat vim; quod imprimis in strategematibus plurimis clarum est; ubi plu-

plurima sæpe fieri solent per vim bellicam,  
quam dolus, ut eo certius vincat, celare &  
dirigere solet: Illa fatalis Trojanis machina,  
quam Sinonis dolus in Ilium induxit erat  
simul, ut *Virgil. Æneid. lib. 2. v. 238.* ait:  
*Fata armis;* & in hocce *Equo Durateo*

— — εἶατο πάντες ἀεῖσοι

*Ἀγχείων τρώεσσι φόβου ἔκκηρα φέροντες*  
ut *Homer.* canit *Odyss. θ.* quod vero vis po-  
tissimum mentio fiat in definitione, vel in-  
de est, quia per vim quælibet resistentia &  
defensio hostilis denotatur, vel quia aperta  
armataq; oppositio magis in oculos cadit,  
magisque adhiberi solet. Verum itaque  
manebit quod antea diximus, dolum in  
hostem esse justum. Imò non justum sal-  
tem esse, sed & justius, addo gloriosius sæ-  
pe eum adhiberi, quam vim armatam neu-  
tquam dubitamus asserere; qua in re no-  
biscum consentit *Corvinus apud Silium Ita-  
licum lib. 5. v. 100.* ad *Flaminium* dicens:  
*Bellandum est astu, levior laus in duce  
dextrâ*

C

quo

quo etiam pertinet illud *Ovidii Lib. 2. Amor. Eleg. 12.*

*Hæc est præcipuo victoria digna triumpho*

*In quâ quacumq; est sanguine prada caret.*

Unde non male Cambyſes ap. *Xenophonem in Cyropædia lib. 1. p. 33.* Cyro interro-

ganti, qua ratione incedere quis debeat, ut hoſte ſit ſuperior reſpondet : εὖ ἴδωι ὅτι δὲ

τὸν μέλλοντα ἔτο ποιήσῃν καὶ Πέρσων εἶναι καὶ

κευφίναν, καὶ δολερὸν καὶ ἀπατεῶνα καὶ κλέπτην

καὶ ἀρπαγὰ καὶ ἐν παντὶ πλεονεκτῆν τῶν πολε-

μίων; ad quod ſubridens Cyrus cum dixiſ-

ſet : ὦ ἡρώκλεις οἷον σὺ λέγεις, ὦ πατέρες, δὲν

ἄνδρα με γενέσθαι, regerit Cambyſes; οἷον

αὖν δικαίωτάτος τε καὶ νομιμώτατος τε εἴης. De

Chriſtianis tamen, an dolis uti poſſint, hæ-

ſitare videtur *Grotius de J. B. P. 3. 1. 20.* ſed vacillatio illa fluere videtur ex ſolen-  
ni errore, quo arctiorem duriorẽque in  
N. Teſtamento cenſet obtinere obligatio-  
nem, quam illa Vet. Teſtamenti fuit, de  
quâ re cum illa proprie fori noſtri non ſit,  
videſis *Theologos & præter alios Valentin.*  
*Muſcu-*

*Musculum*, qui in *Præf. Versionis Germanica Libelli Grotiani de Veritate Religionis Christiana*, de erroribus ejus apte agit: *Augustinus* sane allegatus etiam in *Decreto Gratiani can. 2. caus. 23. qu. 2.* non dubitat dicere: *Cum justum bellum suscipitur an aperte pugnet quis, an ex insidiis nihil interest.*

T H. XII.

Monet nos hic locus, ut nunc inquiramus: An in omni bello dolus in hostem sit licitus? quamvis autem *Choræbus* apud *Virg. Æn. lib. 2. v. 389.* indistincte dicat: *dolus an virtus quis in hoste requirat?* melius tamen est, si distinguatur hac in re inter bellum, quod respectu ejus, qui dolis utitur justum est, & inter id quod justitia non nititur. In bello justo is, pro quo justitia est, uti sine peccato arma in auxilium vocat, ita & sine vitio dolos adhibere potest. In injusto vero is, qui jacet in injustitia nec armis legitime certare, nec dolis citra violationem juris uti potest. Egregie, uti

ubique solet, *Christoph. Færstnerus ad Tac. Annal. lib. 4. p. 387.* Dolus an in hostem sit licitus, facti quaestio est, & principalis causa trahit hanc veluti consequentem, ut si justa sit belli causa, justī etiam sint hi doli; sin in- iusta, etiam has technas improbem. Quid- nī enim summam publicæ rei quibuscunque modis salvam præstamus. Nihil turpe est, quod inimico detrimentum afferat *Achill. Tac. VII.* dolus an virtus quis in hoste re- quirat? Fit tamen ut etiam is, qui bellum ratione initii injustum gerit juste & licite dolos in auxilium vocare possit; quod tum accidit, si ipse sit paratus ei, quem læsit, sa- tisfactionem præstare; nam quam primum lædens restitutionem rei ablatae & satisfa- ctionem offert, ac testatur se facti poenite- re, demeritum tollitur, uti bene docet *Budd. Elem. Philos. Pr. Part. II. c. 2. §. 21.* quamprimum hoc tollitur, tollitur etiam quæ ei respondet vis justa. Unde rectissi- me *Pufendorfius de J. N. & G. lib. 2. c. 5. §. 19.* Qui satisfacere renuit & refusionem postu-

*postulanti resistit, injuriam injuriâ cumulat; sed qui aquam satisfactionem oblatam respuit, & omnino armis vindictam persequi contendit, injustam vim molitur eique jure resisti potest. adde quos ipse citat Grot. de J. B. P. & Bæcler ad illum locum. Si itaque jure resisti potest, & dolis optime & tutissime sæpe resistatur, ad eosdem etiam ei, qui satisfactionem æquam obtulit, confugere licebit.*

### TH. XIII.

Id etiam quæritur, an fieri possit, ut uterque belligerantium juste & licite dolos adhibere queat? Videri posset hanc quæstionem esse ex earum numero, quas J. Cti Domitianas vocant, cum nulla appareat dubitandi ratio, quare non sit simpliciter neganda, postquam ex iis, quæ supra posuimus patuit illius saltem dolum pro licito haberi, cujus arma justitia nituntur, cumque constet impossibile esse, ut uterque justam bellandi causam habeat. Verum non est superflua huius rei disputatio:

G 3

Quam-

Quamvis enim facultas Moralis non datur ad contraria per ipsius rei naturam, adeoque fieri non possit, ut unus belligerantium habeat justam causam inferendi bellum, ita ut tamen alter etiam habeat justam resistendi causam, & ita si causam belli intuearis, neutiquam bellum utrinque justum esse queat, attamen fieri potest, ut uterque bellum juste gerat, dum nempe alter, quidem habet causam justam, alter per ignorantiam invincibilem nescit se destitui causæ justitia; Hoc autem si est, necesse est ut dicamus actus bellicos, sive occulte sive palam exerceantur ab eo qui per ignorantiam invincibilem nescit se non habere causam justam, non dici posse illicitos, ut ipsi tanquam mali imputari possint: conf. *Grot. de J. B. P. 2. 23.* in cuius assertum pedibus quoque it *Kulpis. in Coll. Grot. Ex. x. p. 132.* & *Buddens in Elem. Phil. Pr. Part. II. c. 5. §. 16.*

T H. XIV.

Non minus quæri hic potest, An ante  
in-



indictionem bellicam, in eum qui injuste nos læsit dolos usurpare licitum sit? Cuius quæstionis decisio cum pendeat ex generaliori illa quæstione, An ante indictionem actus bellici usurpari in alios possint, de eâ prius videndum. Arbitramur autem distinguendum hic esse inter indictionem solennem, quæ nempe fit per Fæciales vel Haraldos, uti vocantur, certis ceremoniis munitos, & inter indictionem minus solennem; quod illam attinet, negamus eam absolute necessariam esse; hanc tam parum abesse posse statuimus, ut potius sine eâ, quamvis læsio ab altero profecta injusta sit, bellum injustum esse asseramus; Cuius rei ratio in eo sita est, quia, cum jus naturæ præcipit, ut omnia prius ad lites amice componendas tentemus, quam ad arma curramus, sine dubio etiam præcipit, ut alter, quem ut hostem invadere constituimus, hac de re certior reddatur, ut hoc quoque modo occasio bellum evitandi subministretur. vid. *Buddens Elem. Phil. Pr. 3. c. 7. §. 9.* TH. XV.

T H. XV.

Id adhuc, antequam rivos claudamus, moneri debet, quod cum diximus in hostem dolum etiam circa sermonem licitum esse, id accipiendum saltem sit, de sermone asserente, non vero de promittente, multo minus de jurato, uti bene cum *Grotio aliisque observat Kulpisius in Coll. Grot. Ex. x. p. 141.* licet enim quod egregie docet *Buddens in Elem. Phil. Pract. Part. III. c. 11. §. 1.* per bellum status socialis cesset, adeoque ad officia ex statu sociali fluentia nemo sit obligatus, nihilo secius tamen, quoniam, dum cum hoste paciscimur, status hostilis sive bellicus, tantisper quoad hunc actum tollitur, fides data omnino servanda est; cui accedit, quod, si fidem hosti datam migrare liceret, nihil aliud quam diffidentia perpetua perpetuumque inde sequi posset bellum; quod adeo verum est, ut magnus ille rerum Moralium Doctor *M. T. Cicero* id etiam ad ea quæ privati hosti promittunt extendat

dat; unde in *Offic. lib. 1. c. 13.* ait: *Atque etiam si quid singuli temporibus adducti hosti promiserint, est in eo ipso fides conservanda;* quod tamen aliter admitti non potest, quam si pacta illa Patriæ & Reipublicæ non adversentur. *Buddens Elem. Phil. Pract. Part. 3. c. ult. §. 23.* rectissime itaque *Kulpifius in Coll. Grot. Ex. XV. p. 198.* *Videri possent pacta privatorum cum hostibus illicita esse, civium quidem ob supereminentis dominii Jus, militum vero ob fidem Sacramento datam, sed sciendum est, ea pacta quæ malum maius aut certius evitant, magis utilia quam damnosa etiam publico censeri, quare consensum Civitatis præsumi, nî aliud diserte appareat.* Consequens hinc est, quod, etsi forte pactum militum, quod e. g. per semestre non velint militare, videri possit invalidum esse, quia noxiûm est Reipublicæ, quæ per id usû militum privatur; firinum tamen sit, quia tale pactum continet minus malum, quo impeditur majus.

D

fime

sime *Buddens in Phil. Pract. Part. I. c. 4.*  
 §. 12. dicit : *Boni minus praestantis priva-*  
*tio, quæ maius bonum secum trahit, pro ma-*  
*lo reputari non debet.* Sed finiendum hic  
 est, cum propositum nobis fuerit tantum  
 de extantioribus materiæ de dolo in ho-  
 stem licito capitibus agere; pressiore, ex-  
 actioremque singularum doli specierum  
 considerationem alii tempori re-  
 servamus.

Θεῶ μόνῳ δόξα





Vas hic Literulas perituro inscribimus Ævo,  
 Has vitam ex Animo ducere crede pio.  
 Non nos fusca Chloë, nec nos conjunxit Jacchus,  
 Tesserave, aut Vinculum Fors inopina fuit.  
 Sub paribus Stellis, sub iisdem crevimus Umbris,  
 Dulcis Amor tenero venit ab inde sinu.  
 Lusimus ut Pueri, certosque infuximus Ignes,  
 Ut Juvenes, Musis nunc quoque Præda sumus.  
 Sera Viros facient nos Tempora, serior Ætas  
 Nec rapier firmæ Robur Amicitia.  
 Fortè etiam gelidos pariter claudemus Ocellos,  
 Ossaque vicina nuda dabuntur Humo.  
 Hinc quoque quem nostrum Casus tuleritve, feretve  
 Quisque, sub alterno Pectore quisque feret.  
 Hinc tibi, Pars animæ, veniunt hæc Carmina, *KNEYLI*,  
 Carmina, victuram testificata Fidem.  
 Scilicet impensos hoc ornas Fine Labores,  
 Musarumque choros in tua Vota vocas.  
 Scilicet hoc pulchrum perfundis Lumine Stemma,  
 Quæque facit Patruus, te docuisse juvat.  
 Maeste animo & Virtute, patet jam Principis aula,  
 Principe vel si quid celsius esse potest.  
 Claudimus hic rivos, si non te digna leguntur,  
 Per Patriæ hos numeros iste memento manus.

*Conterraneo & Amico longe suavissimo, de  
 Dolo in Hostem luto, egregie differenti  
 hisce sinere applaudis*

Conterraneorum Trias.

**I**nsidias quare tractes mirentur ; Amice,  
 Qui Musas sequeris Christiadamque choros ;  
 Ut quibus inprimis mens fallere nescia, candor,  
 Et pia simplicitas, integritasque placet ;  
 Gratantes potius nos hic applaudimus ausis,  
 Dum statio insidias utraque nosse jubet ;  
 Sunt etenim Musis, sunt Christicolisq; verendi  
 Hostes, qui passim rezia secta parant ;  
 Insidias horum quod si desistere pergas,  
 Cum laude insidias Te didicisse patet .

Hoc levi licet applausu amicitiam tamen sinceram  
 Nobiliss. DN. Resp. de Dolo in Hostem licito  
 disputanti attestari voluerunt

*Commensales Fridiani.*

**P**ellzo Juveni Martis fraus esse videtur  
 Res indigna Viro, digna latrone vago. (a)  
 Nescit Alexander, quæ Tu scis, Maximus orbe ;  
 Quis non gratetur, Fautor amande ! Tibi ?  
 Addiscas porro prudens depellere semper  
 Insidias, nobis quas mala Triga struit,  
 Serpens antiquus, quo non astutior alter,  
 Ac Mundus fallax, & male suada Caro.  
 Sic Jurisconsultus eris justusque piusque  
 Salvatorque Status ; idque Lutherus ait. (b)

(a) Curt. IV, 13. 8.

(b) Alsenb. V, 312. a.

*M. Joh. Henricus Specht,*  
*Isenf. SS. Theol. Stud.*

**H**ætenus in nostro Parnasso castra secute  
 Musarum Kneyli prælia docta parat.  
 Prælia docta parat ; etenim contendere contra  
 Hostem conaris de grege Pieria.

*At inventa cavens hostis, num, callida, pugnam  
Aggredieris forti pectore? monstrat opus.*

*Pauca hac Præcell. atq; Nobiliss. DN. Respondenti  
gratulabundus posuit*

J. S.

**F**Errea jam proles puro successerat Auro,  
Et Locus, Ambitio quo raperetur, erat,  
Fustibus abjectis fera colligit. Æra Pyracmon,  
Vomer & immeritus fervida Jura subit.  
Saucia jam videas Gentes post Terga revinctas,  
Jamque per admotos Oppida capta Pedes.  
Heic Natos Genitrix, solum heic Soror Unica Fratrem,  
Heic queritur raptas Gellia Delicias.  
Viribus hæc horrens dum Miles agebat apertis,  
Ingeniumque ingens in sua Damna furit,  
Cautior ecce aliquis, quem deinde secutus Ulysses,  
Aspera subiectis temperat Arma Dolis.  
Jam lentis potuit Ducibus mirabile Lignum,  
Anni quod miseris non potuere decem.  
Tracta per innumeras Martis Compendia Brumas  
Nunc quoque legitimi sunt in Honore Modi.  
Quæ tu, Pars nostrum non contemnenda Penatum  
Disseris, in Laudes disseris illa tuas.  
Hanc sibi materiem legeret formosus Apollo,  
Si foret in nostrâ pulcer Apollo domo.  
Hanc Venus ipsa Dolum, Fraudisque immensa Ma-  
gistra;  
Fleret & orbatas dulcis Hymettus Apes.  
Nunc quoniam indulsit peior præcordia Titan,  
Accipe Materie deteriora tuâ.  
Non ea Cendenti commixta Superbia Fronti est,  
Quin hæc Vota Oculis digna reare tuis.  
Nec tua, quam præfers, violata est Gratia Vultus,  
Pallidus ut nobis obtegat Ora Pudor.

Scilicet.

Scilicet innumeris dudum collegimus horis  
 Pectus inexhaustâ, plenum Animumque Fide.  
 Sive tibi quisquam quidquam poscebat Amicus,  
 Sensit Oresteam Dexterâ junctâ Manum.  
 Sive parum notus sanctos quærebat Amores,  
 Non Precibus blandis invidiosus eras.  
 Moribus æquabas Mores, sed Moribus æquis,  
 Nec grave, ab Ingenuis te didicisse, fuit.  
 Interea toto complebas Pectore Musas,  
 Aonias Studiis conciliante Deas.  
 Nec minus urbanæ sugebas Jura Juventæ  
 Et super Ingenium quod coleretur, erat.  
 Scilicet, hos stimulos tibi cognatissimus Ardor,  
 Addidit, *Illustri* Martis & Artis Apex,  
 Ille sibi immistq̃ sensit de sanguine cretum,  
 Ille tui nunquam non memor esse potest.  
 Felix, cui *Patrum* sic contigit esse, paterno  
 (Vel procul hic) duplici qui foveare Sinu,  
 Fortè tui ignarus tua Verba in Facta resolvit,  
 Error in exanimis commemorandus Avos.  
 Nunc siquidem haud nostrum est, tantos pervolvere  
 Casus,  
 Sedulus inceptam perge tenere Viam,  
 Jam Lauri virides Animisq̃ Oculisque recurvant,  
 Et subeunt Nymphæ, quæ Tibi ferta dabunt.  
 Jam tenere amplexus, Generisq̃ in Vota ruentem  
 Volvimus, & Patriæ Spemque Decusque suæ.  
 Hic legeres Titulos, ni Sal commune vetaret,  
 Hoc satis est, solitas proposuisse Dapes.

*Amico Integerrimo, Consequali suavissimo  
 Lubens, meritoq̃, accinitis his*

Commensalium Quadriga.

